

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KTPO 0055816 23
Zenica, 12.03.2024. godine

**OPĆINSKOM SUDU U ZENICI
-Sudiji za prethodno saslušanje-
ZENICA**

Na osnovu člana 45. stav 2. tačka i) u vezi sa članom 241. Zakona o krivičnom postupku FBiH, p o d i ž e m

O P T U Ź N I C U

Protiv:

Karalić Ahmeda, rođen 1974. godine u Zenici, neosuđivan,

što je,

u periodu od 10.10.2023. pa do 16.10.2023. godine na području grada Zenica, u svojstvu službene osobe, radeći na poslovima sekretara u Savezu ratnih vojnih invalida ZDK, koji poslovi su opisani u smislu člana 35. Statuta Saveza RVI ZDK broj ... od 20.04.2018. godine, koje poslove je vršio na osnovu Odluke predsjednika Saveza RVI ZDK ...od 15.09.2023. godine, s ciljem da sebi pribavi protupravnu imovinsku korist, svjesno i s namjerom, što je i htio, iskoristio bjanko naloge za plaćanje, potpisane od strane R. J., predsjednika Saveza RVI ZDK koji su mu povjereni u radu i dati od strane predsjednika Saveza RVI ZDK za potrebe plaćanja obaveza-računa Saveza, na način da je bjanko naloge za plaćanje u iznosima od 1.300,00 KM od 10.10.2023. godine, 2.000,00 KM od 12.10.2023. godine i 2.500,00 KM od 16.10.2023. godine iskoristio za prenos navedenih novčanih sredstava sa računa Saveza RVI ZDK broj: ... otvorenog u ... banci Zenica na svoj lični račun broj: ... otvoren u ... banci Zenica, na koji način je pribavio protupravnu imovinsku korist za sebe u iznosu od 5.800,00 KM, za koji iznos je oštetio Savez RVI ZDK,

čime je učinio krivično djelo pronevjera u službi iz člana 384. stav 1. Krivičnog zakona Federacije Bosne i Hercegovine.

Predlažemo Sudu da u smislu člana 384. stav 4. KZ FBiH od osumnjičenog oduzme protupravno pribavljenu imovinsku korist, prisvojeni novac u iznosu od 5.800,00 KM, koja sredstva su sredstva Saveza RVI ZDK.